



BAHAGIAN PELESENAN DAN PENGUATKUASAAN PERBADANAN KEMAJUAN FILEM NASIONAL MALAYSIA (FINAS)

GARIS PANDUAN PERMOHONAN PEMBAHARUAN LESEN PENGELUARAN, PENGEDARAN DAN PEMAMERAN FILEM / VIDEO

PENDAHULUAN

Garis Panduan ini dikeluarkan oleh Perbadanan Kemajuan Filem Nasional Malaysia untuk panduan penggiat industri kreatif tempatan.

TUJUAN

Tujuan Garis Panduan ini adalah untuk memaklumkan kepada semua penggiat industri kreatif khususnya pelanggan Perbadanan Kemajuan Filem Nasional Malaysia (FINAS) berhubung keperluan mengemukakan permohonan pembaharuan lesen Pengeluaran Filem/Video, Pengedaran Filem/Video dan Pemameran Filem/Video mengikut syarat-syarat seperti yang telah ditetapkan di bawah Peraturan-Peraturan Perbadanan Kemajuan Filem Nasional Malaysia (Perlesenan) 1983 (“Peraturan 1983”).

PROSEDUR

1. PERMOHONAN PEMBAHARUAN LESEN

Permohonan boleh dibuat secara atas talian (*online*) melalui Sistem Pengurusan dan Pemantauan Industri Kreatif Negara (SPPIK) di pautan [www://sppik.finas.my](http://sppik.finas.my).

“Pembaharuan lesen hendaklah dibuat sekurang-kurangnya tiga puluh (30) hari sebelum tamat tempoh lesen”

Bagi pemegang lesen yang memiliki cawangan, pastikan lesen-lesen cawangan juga diperbaharui jika lesen tersebut telah tamat tempoh. Berikut adalah dokumen-dokumen dan syarat-syarat yang perlu dipatuhi:

- a) Permohonan Pemilikan Tunggal/Perkongsian (Pendaftaran Perniagaan) perlu mengemukakan :
 - i. Salinan maklumat perniagaan terkini; Borang D (Kaedah 13) yang telah diperbaharui;
 - ii. Salinan Borang B jika ada pertukaran pemilik atau alamat dan lain-lain dari Suruhanjaya Syarikat Malaysia (SSM).
- b) Permohonan Pemilikan Sendirian Berhad (Pendaftaran Syarikat) :
 - i. Salinan Penyata Akaun Syarikat yang telah diaudit bagi tahun semasa;*

- ii. Salinan Penyata Pengumpulan Syer, Seksyen 78 Akta Syarikat 2016 (Borang 24, Akta Syarikat 1965) - sekiranya ada perubahan;*
- iii. Salinan Borang Pemindahmilikan Syer/Sekuriti, Seksyen 105 Akta Syarikat 2016 (Borang 32A, Akta Syarikat 1965) (jika ada);*
- iv. Salinan Notis Perakuan Pemerbadanan atas Pertukaran Nama Syarikat, Seksyen 28 Akta Syarikat 2016 (Borang 13A dan Borang 11, Akta Syarikat 1965) (jika ada).*

Dokumen Bertanda (*) hendaklah diakui sah oleh Setiausaha Syarikat/Company Secretary.

- c) Permohonan bagi pembaharuan hendaklah dibuat sekurang-kurangnya tiga puluh (30) hari sebelum tarikh tamat tempoh lesen.
- d) Sesuatu lesen apabila diperbaharui adalah sah bagi suatu tempoh selama satu (1) tahun.
- e) Fi bagi pembaharuan suatu lesen adalah seperti berikut :

BIL.	JENIS LESEN	FI
1.	Lesen Pengeluaran Filem/Video (PF/PV)	RM100.00
2.	Lesen Penedaran Filem/Video (DF/DV)	RM400.00
3.	Lesen Pemameran Filem/Video (EF/EV)	RM100.00
Pembayaran boleh dibuat secara atas talian (<i>online</i>) melalui pautan www://sppik.finas.my		

LUCUT HAK

Peraturan-Peraturan Perbadanan Kemajuan Filem Nasional Malaysia (Perlesenan) 1983 (Peraturan 1983). Deposit yang dibayar kepada FINAS hendaklah dianggap terlucuthak :

- a) Jika tiada permohonan bagi pembayaran balik dibuat selepas tiga (3) bulan habis tamat tempoh lesen;
- b) Sekiranya berlaku pembatalan lesen di bawah Seksyen 25 (2) Akta Perbadanan Kemajuan Filem Nasional Malaysia 1981 ("Akta FINAS"); atau
- c) Sekiranya berlaku pembatalan lesen di bawah Peraturan 6, Peraturan 1983.

PELANGGARAN

Pemohon boleh dikenakan denda atau hukuman yang berikut sekiranya pemohon gagal mematuhi Akta FINAS, Peraturan 1983 dan/atau peraturan-peraturan lain yang dikeluarkan oleh FINAS :

- a) Seksyen 22 (1) Akta FINAS menetapkan bahawa tiada seseorang boleh mengambil bahagian dalam mana-mana aktiviti mengeluarkan, mengedar atau mempamer filem-filem atau mana-mana gabungan aktiviti yang dinyatakan dalam Seksyen 21 (1) akta yang sama melainkan jika suatu lesen dikeluarkan yang memberi kuasa kepadanya untuk berbuat demikian; dan
- b) Seksyen 25 (1) Akta FINAS menetapkan bahawa seseorang yang melanggar mana-mana peruntukan Bahagian ini adalah bersalah atas suatu kesalahan dan boleh, apabila disabitkan, dikenakan denda tidak lebih daripada lima puluh ribu ringgit (RM50,000.00) atau penjara selama tempoh tidak lebih daripada dua (2) tahun atau kedua-dua denda dan penjara itu, dan selain dari itu ia boleh, mengenai kesalahan yang berterusan, dikenakan denda harian tidak lebih daripada sepuluh ribu ringgit (RM10,000.00) atau penjara selama tempoh tidak lebih daripada dua (2) tahun atau kedua-dua denda dan penjara itu.

PENAFIAN

FINAS tidak pernah melantik atau meluluskan atau memberi kuasa kepada mana-mana pihak lain untuk melaksanakan urusan pembaharuan lesen Pengeluaran, Pengedaran dan Pemameran Filem/Video.

Permohonan hendaklah dibuat sendiri oleh pemohon dan pemohon hendaklah mengemukakan dokumen sokongan secara terus kepada Unit Pelesenan, FINAS. Pemohon adalah dinasihatkan untuk membuat laporan kepada pihak berkuasa sekiranya terdapat mana-mana pihak yang menawarkan perkhidmatan untuk membuat permohonan atau menjanjikan sebarang kelulusan dengan tujuan mendapatkan habuan atau bayaran. FINAS tidak akan bertanggungjawab terhadap sebarang liabiliti atau kerugian yang dialami atau ditanggung oleh pemohon akibat dari perkhidmatan yang diperolehi oleh pemohon dari pihak ketiga tersebut.

KUASA PERUNDANGAN

Garis Panduan ini adalah tertakluk kepada Seksyen 22 (1) Akta FINAS dan perundangan-perundangan kecil di bawahnya seperti iaitu Peraturan 1983.

PROSES KERJA

1.	Kemukakan permohonan melalui atas talian (<i>online</i>) bersama dokumen sokongan
2.	Semak permohonan melalui SPPIK dan dokumen sokongan yang telah dimuatnaik
3.	Permohonan lengkap?
4.	Permohonan tidak lengkap? Pemohon perlu mengemaskini maklumat yang tidak lengkap dan hantar melalui SPPIK
5.	Semak permohonan pembaharuan lesen melalui SPPIK untuk kelulusan
6.	Lulus?
7.	Tidak Lulus? Kemaskini maklumat yang tidak lengkap
8.	Terima e-mel untuk membuat pembayaran secara atas talian (<i>online</i>) melalui SPPIK
9.	Pemohon cetak lesen setelah pembayaran dilakukan

Pautan SPPIK : [www://sppik.finas.my](http://sppik.finas.my)

Website FINAS : <http://www.finas.gov.my>

E-mel : pelesenanfinas@gmail.com

Tel : 03-4104 1300 / 1458 / 1360